



歸舟詩原序

昔余於乙巳之秋訪瞿山梅子於宛上瞿山則爲余置酒敬亭大會賓客時余爲賦長句四章艸堂詞三章而瞿山作古體二章有曰群公命世才到此念棲息余復依韻荅之有曰古人不見我肯居古人後清譚旣斐夢疑義互擊剖迄今詠之髣髴在晤對間也乃一別東西山川修阻時移歲易音徽邈然余旣宦拙以無成瞿山抑計偕而數左追往念來意氣欲盡蓋不僅聚散之思抑以得失之所爲繫也今年夏余

方避疾里中聞瞿山復自北還亟謀載酒江上用以
慰藉其生平而未知瞿山已渡江去郵一編達余系
之以書目曰歸舟蓋皆不得志於時之所爲作也余
急取而閱之袂聳筵上三復流連因爽然以興曰嘻
異矣此不其敬亭之遺音歟抑何其氣之和以平而
思之婉以秀也又何其烟水之多懷而泳陶不倦也
雖其間三嘆沈吟之致亦或有焉要不過於望遠念
歸吊古懷人之餘一寄其悱惻導其纏綿已耳求所
爲撫劔需衣悻悻而狼爲顧者無有也嘻瞿山其不

可及矣夫遇亦何嘗之有惟能忘於天下之用舍者
爲能得用舍之大而余猶將竊竊然持其私意以爲
瞿山擬祇見其闇於大致而未旣厥量也乃書數言
以志於南池酒樓諸詩之後而復於瞿山日子於此
其勝人已乎余向者期君以古人而今乃果得之此
耶用此意以事君則於君必忠而得失之紛紜不足
以爲吾動用此意以交友則於友必誠而聚散之參
差不足以爲吾間君益厚自愛爾矣余將繼敬亭之
詩而詠之梁甫也

年弟鄒祗謨拜手譔

天延閣刪後詩卷之十一

宣城梅 清淵公著

歸舟

瞿山人曰余之踉蹌北上也嘗由陸以行而歸則
取便於舟蓋烟水之適余性所耽自張灣天津而
南尤饒勝覽迴視馬蹄車轍僕僕飛沙野莽間固
已大異而吟詠亦藉此以長旣歸而錄之并附以
歸後諸什亦猶古者紀行之遺意云爾時丁未五
月旣望

五言古

呈龔大司馬

岱瞻屹巖嶽儔爲躡其巔滄波濬崑崙儔爲觀其淵
鴻濛闕元化夫子賁高騫靈秘萃紫氛洩浹滙洪川
高深各有託而獨儲其全赤幟奮鸞龍邁彼西京前
奕奕揚大業宛覲臯龍賢黼黻一何殊彤才炳鈞鉉
儀型具已陳仰鏡忱難諉有美康樂風獎借閎陶甄
念茲區中植孰無飯雕鐫小子有餘幸奕世厠舟旋
方弗誦新詩引領三十年仲舉托絲羅扳藉匪徒然
斯文固在茲粲粲星辰懸何期迴雲照顧影矜餘妍
謬焉測高深依依難爲言

曉發青河和卓公韻

兩水別滹沱棹轉青河口岸曲溯逶迤帆影爭先後
微雨濯滄波輕風拂纖柳回首氛塵中人境於斯剖
奔競息何時千年誰不朽惟有故山青相期不相負

廣川舟中示卓公瑞公

一線激長河千年鑿危阪環流失東西十里九委宛
扁舟爾爲家久客自忘遠忻言白晝長脩途亦云晚

日落天一涯飛鴻盡南返叩舷歌復歌臨風呼大阮
流河阻風

海近天風強怒號昏白日四顧無安瀾中央勢逾疾
舟師逆浪行旅魂愁凜凜疾呼繫危檣敢曰暫求逸
估客不戒盈帆滿竟無失恃險濟濤中人力或有術
自顧一孤舟茫茫何造物

張秋贈馬旻來

古道重神交一掃眼前迹南北各一涯能使相思積
馬公風雅宗鴻才神奧闢前年半公歸新詩寄一尺

凌風每三唱秋颺婉生腋瞿山老風塵三年一行役
南歸蕩孤舟長歌續旅魄漕流不盈線繫纜張秋磧
河干一握手始交如宿昔翻思未晤先聞聲那能釋
轉瞬隔川嶽新詩各自惜浮名走天下紛紛復何益
誓歸南山南吾自適吾適

題畫寄山左張幼量

山瞿浪跡歸抱志托深谷緬想柏枧陽剪茅結短屋
遶舍覆疎梅凌空籠叢竹危坂穿暗泉蒼巖挂明瀑
長嘯復長吟孤聲出烟麓有時猿鶴來啼戾如相續

往返唯白雲伴我巖際宿悠然羲皇間白晝見幽獨
山水有靜理日夕看不足持將寄遠人落筆成半幅
何日登瞿峯山中叩小築

池上吟寄五弟素

憶昔居池上尚在孺子時束髮事書史強半爲兒嬉
堂上歌椿萱堂下吹埴篔伯仲五少年娛樂無不爲
揮手弄彩翰橫縱無嫌疑自計平生歡未或逾於斯
及今始追悟當時則不知自謂曰百年爾我慎守茲
詎意轉瞬間滄桑忽變移五人各異窟窮巖與水湄

踉蹌十數載余將無立錫只今雖苟存回首淚如絲
莫更數存亡憂來不可持爾我與季弟相望仍相離
相看皆老大敢曰強仕期唯余真碌碌道路良足悲
風塵老南北每繫池上思爾獨抱故園依然居此池
柳枯復新插池水添漣漪遠舍種脩竹眼見抽新枝
比鄰皆老友古道堪追隨朝詠艸堂詩暮啣艸堂卮
朝朝復暮暮樂此故不疲乘閒一鼓棹醉飲各不辭
矧茲歲月迅行樂胡遲遲嚮余剪茅屋遠在新田陂
坐棄成荒蕪托跡城東圻山樓與水閣負此將咎誰

何日歸新田復築池上居住來於其間兄弟常相宜
坐對揮無絃至樂難等夷雖然風物改夙志猶可追

贈吳南岡

南岡一片石咄哉幽人廬屋上植桐竹屋下種芙蓉
斗室纔十笏室中唯異書青青繞阡陌城內如田居
一徑豈避人塵跡頗漸疎窮年藏美醞高興時招余
清池不盈掌客至旋能漁主人呼大醉天地此中舒
余亦有精舍荒置新田墟每到茲岡上長望一躊躇

七言古

折柳歌答十六姪清老

清老曾贈余長安吟纍纍千言

珊瑚鞭斷青驄老行人折柳柳枯槁春明門外春風
少琉璃南渡復滹沱河水縱橫日欲蹉欲渡不渡將
如何長安吟罷聲獨苦白晝揶揄鬼爲伍囊中金盡
色如土勸君勿復羨黃金百萬歡娛一夜傾轉眼同
來泣路人

天津行

四月四日春風殘天津麗人心未安五五十十驟成
團風飄蜜語聲一攢群招小艇游盤桓凌波競欲生

飛翰蚤潮奔潏暮潮寬波心絕不愁風湍自是不解
深閨難無愁那得不爲歡中有少婦凭短闌脉脉流
盼生波瀾鬢絲婉轉烏雲蟠若有所思臨眉端衆被
綺繡伊素紈新晴欲暖伊仍寒娉婷不是羅衣單照
耀一簇花枝繁行人誰不矜相看誰解行人着意歎

隱龍方氏雙生老人詩

隱龍壁立生蒼烟中有如玉之丹泉文螭宛轉引雲
起白鹿相從抱石眠巖間棲隱者誰子上當南極雙
星起洛陽耆英繪作圖不及孿生珠並紀一松雙莖

青籬籬同房蓮子花兩岐蘭芽玉茁春風滿手把塤
箎一氣吹我聞尹氏有雙生年齊百歲人皆驚詎知
珥筆書全社不及方家第與兄

五言律

南歸舟中喜逢郡司馬唐寓庵先生

此地忽同歸迎舟興欲飛人真僊作侶春近客生暉
繫柳雙蓬淨凌烟一浦微石尤從荏苒余意總無違

舟宿蒙村同元冶卓公瑞公分賦

舟行經四宿逆颺起無時歸興群相引羈愁各自知

南天遙可接北斗近難窺剩有殘春在長途唱和私
滄洲晚泊同元冶卓公瑞公分賦

羣聚木蘭舟依然在竹樓雨收青海外纜繫錦沙頭
無定悲萍跡多情悔浪游洞簫何處發愁思滿滄洲

晚泊聞簫再用前韻

艇繫孤城戍簫吹何處樓忽教雙淚盡不待五更頭
渺渺烟波興蕭蕭湖海游相憐唯斷鴈傷我下汀洲

晚晴

洪口奔雷散磚河急電消殘霞連大海落日擁新潮

野曠畱春冷帆輕引路遙陰晴天有意莫只怨飄飄

風便

歸路真堪計羈情頓欲豪舟迎南漲急帆掛北風高
側聽驚塵轂回看訝雪濤波前飛燕子尚覺爾猶勞

半月

半臂光纔好盈鈎已可憐望當游子缺心在故鄉圓
有怨分明鏡多情控寶弦扁舟愁水宿相藉照孤眠

舟月

此際情何極親人月滿舟無波難辨水未冷竟宜秋

須嘯懷空谷烏棲夢故樓誰憐天外客歌罷寄東流
舟阻臨清

淹泊真無賴孤舟水一隈濤飛吹作雨風嘯激成雷
北闕情空繫南天望不開橋頭沽酒熟吾計倒千杯
臨清閘

九宿臨清口漕流昨夜添艘浮青玉案閘掛水晶簾
積緒差能引羈程不可兼終須東嶽雨愁對此漸漸

燕

紫燕與春期雙雙築舊泥多情因石化無力受風吹

頡頏盧家怨差池漢后悲誰憐秋八月滄海憶歸時

清音庵

幽蹟豈須遠能閒境自深重扉藏永晝虛閣受遺音
久坐語堪息眠酣夢不侵徒然慚老衲辜負此生心

南池

杜老題詩處清風冷冷生古人成已事此日見多情
碑沒柳空覆亭幽鳥不鳴經過愧游子南北意縱橫

酒樓

酒樓高百尺能醉只青蓮千載尋芳蹟當時亦偶然

天苑閣前後詩
卷十一
九
縈懷濟岸柳迷眼
監湖烟搔首
佯狂客空悲
天寶年
漸近

漸近江南路
先登河北臺
峯嵐聯絡見
湖氣森茫開
芳艸香旋發
流鶯語亂催
臨風重拂眼
何處着塵埃

青浦同卓公瑞公分賦

黃河收湍瀨
青浦忽經過
岸岸搖江竹
田田暗夏禾
迎帆峯影迅
喚客鳥聲多
莫更疑天北
真堪共放歌
陪龔郡公泛舟響山放生池

倚權凌丹壑
開尊映碧嵐
雲陰馳大陸
鳥語落空潭

蹟與山川麗
情宜艸木酣
青蓮有遺句
吟罷更幽探

二

青溪環七里
新置放生池
解網能無意
游魚總不知
瀾安思砥石
潦淨見蘋絲
潭底蛟龍蟄
飛騰應在茲
坐天延閣懷
湛斯北幕

把酒驚孤坐
懷人罷短哦
鴻歸當晚急
葉落受風多
憔悴澄江客
棲遲易水歌
三年夢顏色
相見定如何
送喻無功同陳壻歸楚應試

百尺樓頭別
凌風首獨搔
雪消淮水濶
雲盡楚天高

曉露沾銀髮春花映布袍從游有高弟聯轡一揮毫
送陳壻商子

年少驅驄馬春風起玉鞭歌催前岸柳酒灑隔江烟
到楚花應發封書鴈好傳望中虹吐處知爾寶刀懸
聞季赤五弟夜讀感賦

只有讀書樂如君眼底無少年千卷破深夜一燈孤
後學誰師表先人見步趨相看重起舞舊日憶山瞿
題駿馬圖寄天都郡司馬高蒼儼先生

艸色起秋清鳴珂動曉聲影從千里合風出五花明
衆許飛黃目爭看入塞行論功問圖畫麟閣借雄名
馬雲人澄江艸堂

何處詠滄浪寒流抱艸堂清宵傾盞過白晝放歌長
孤艇繫無定羣鷗狎不妨祗應常出郭對爾一飛揚

橋成詩 有引

出宛城之東有石橋二日宛津日衍水歲久
半圯適太守孔公元起至謀所以脩復之屬
余董其役拮据經年次第告成作
詩呈公以志衆喜時丁未仲冬也

宛津橋

行路久徘徊橋成亦快哉驟疑鞭石起忽自引虹來

兩水分還合長衢閉復開莫忘賢太守余豈濟川才
衍水橋

一水宛津通橋分結構同觀成從秉燭倚望好凌風
寒罷褰裳泣春邀躍馬雄還教植新柳垂蔭滿城東
七言律

奉贈張侍御巡倉

殿前驄馬久鳴騶闕下常瞻紫氣流霜肅鳳城高隼
擊風生螭陛儼麟游九河節擁天庾壯六傳聲雄繡
斧優仰見雲霄皆動色誰如水譽徹宸旒

奉贈吏部簡謙居夫子

雅望翩然表羽儀山公啓事造仙墀九流迥不殊刀
尺一代真無負鼎彝似水臣心邀帝鑒如山物望
見廷推五雲峻切文昌座矯首中台此一時

百尺樓呈陳鐵潭老伯

數載風塵道路間元龍百尺此重攀爲園不解如深
島教舞堪憐盡小蠻別久清尊堅促膝夜闌紅燭照
開顏向平婚嫁年來迫未許高歌十日間

北上留別旅庵大師

半生南北老風塵，愧逐公車未息輪。
驛路雪凝天外冷，江干梅吐意中春。
壯心銷盡長途客，樂事輸將出世人。
何日龍池叅上乘，高山流水話迷津。

答墨溪老人

新田溪外墨溪隣，惆悵當年共隱淪。
久擬故園尋舊約，祇今幽夢尚相親。
日閒不負兒孫樂，山古能留天地春。
好向牀頭藏老甕，待余花下一垂綸。

寄鹽運孔元起夫子

公去閩江是勝遊，各天相望思悠悠。
悠悠共傳劉晏經邦日，不數弘羊佐漢籌。
斥鹵舟航迎幕轉，魚龍風雨抱旌流。
登臨此際應多暇，逸興何如謝眺樓。

陳卜吾老伯重過宣城留飲賦此

裘馬聯翩吳越行，朔風吹駐敬亭旌。
十年艸木留春色，萬壑烟嵐憶舊盟。
郭外田園初載酒，燈前兒女共關情。
連宵歡聚渾忘寐，莫賦新詩百感生。

贈黃憶溪

鰲峯昨夜送秋聲，風雨飄飄見客情。
劍倚西陵留唱和，驂停東宛失逢迎。
卽愁別路千楓散，遙指寒空一

鴈鳴蚤晚徵書到闕右祗今猶及薦黃瓊

八月十四日夜月下同家耦長作

飛蝗滿眼夕陽收愁對清尊月一樓天際晴光堪不
夜意中風景但宜秋欲棲未定憐支鵲旣宿還呼任
水鷗莫抱吳鉤共惆悵故園爭勝五湖游

七言絕

南歸留別爾止

藉爾看花及早春慚余作賦尚迷津天涯去住難分
手不獨南歸失意人

二

並轡連牀路幾千長安回首暮春天那堪獨返南來
路腸斷蘆溝風雪邊

張家灣

半灣青柳半青蕪天際飛鳶水際雛但得風和塵不
動望中彷彿是三吳

蘆筍

蘆抽出水也稱強誰似江東肥更香却憶故園籬下
筍齊抽泥籜長新篁

滹沱河口

滹沱之口窄於襟頃刻天津到海深人道滹沱河水
急何曾急似故鄉心

四女祠

一灣流水野烟屯千載游僊剩此村十二年前人再
過月明風冷欲消魂

旋風

蕭林風旋鬼相攢捲霧飛砂上碧端何況浮雲能蔽
日悔從天外望長安

板營口楊柳

板營店口柳成陰眼底春光日日深聞道柳絲能繫
客何曾得繫故鄉心

三月三十舟宿板營口

三春九十盡今宵一棹南歸路正遙何日秦淮邀酒
伴畫船明月聽吹簫

河西務渡河歌

河西渡頭行人多河西渡頭愁風波河西渡船不盈
掌渡河行人多柰何

晚舟

石尤風定促行舟
雙槳孤篷一綫流
那得春潮連夜
長長年歌發五更頭

舟中漫興

後閘岸落前閘深
閘中流泉愁旅心
不分朝來一尺
雨虛打柳條拖水潯

二

南旺渡前烟樹孤
板罾店口魚有無
但得酒家纜便
繫莫放春風笑客愚

客中送春

送盡東風酒一尊
固城南望欲黃昏
孤舟孤客天涯
外不是春歸亦斷魂

二

關情今夜那能禁
着眼紛紛何處尋
人道東風收拾
盡最難收拾一春心

題畫

陵陽城外碧嵐長
十里松陰隔水涼
獨坐岑樓過六
月意中秋色迥蒼蒼

無題

澹雲疎雨梓峯隈
小飲相呼醉幾回
莫道芙蓉山縣小
何來一朵鏡中開

嶽雲詩原序

余叔祖瞿山先生之有望嶽詩也歲在丁酉惟時則實先余而爲之望及先生之有登嶽詩也歲在庚戌惟時則又先余而爲之登先生之於泰岱抑何其屬懷獨至勤勤無已而必一得當而始稱慰如此歟蓋非泰岱不足以發先生之奇非負奇如先生亦無以當泰岱而與之爲敵也在昔孟氏言之矣曰泰山之於丘垤又曰登泰山而小天下誠以吾人之志苟其不能以卑隘自安則必有事於高遠可知也誠一有

事於高遠則雖其高之又高以盡出於一世之上有
必窮無或遜可知也又何疑於先生何疑於先生之
望而登雖然先生之望之則非猶夫人之望之也先
生之登之則非猶夫人之登之也余嘗親至於嶽矣
青齊諸君子則爲余言曩者先生之來遊也曳霍擎
扶短筇披蒙茸躋烟雲灑酒臨空長歌四望聞之者
一以爲鸞嘯一以爲龍吟方是時日觀之石若益而
高扶桑之濤若益而長漢之玉簡頽然若發其幽光
而五大夫松若引而爲君鳴其秦風也余聞其言而

神渺然東望以爲先生呼響起谷中飄然若有兩相
遇者乃思一吐其緒言以當先生之後而微末無似
抑又不勝其自失余故曰非秦岱無以發先生之奇
非負奇如先生亦無以當秦岱而與之爲敵也余自
丙午計偕從先生以行始得徘徊嶽下而讀丁酉之
所爲詩其後以躋攀之約數數相與期而遇數與左
庚戌之行余復以他事後期余方用深愧於先生乃
先生則不余棄而委之以是編曰序吾以梓余用是
惶然以起徐爲詮次而系之以論曰昔河間以四愁

艷藝林少陵以五字雄齊魯絜今况古何必懸殊而况其體裁悉備神韻遙深嘻抑又盛矣今朝廷之上方復議登封徵歌頌以潤色太平行見有舉倪寬种放故事而謀及先生者是先生之爲岱宗重正未有艾也余方將操杖屨以俟而此固其先聲也夫

桐崖從姪孫銷拜譔

天延閣刪後詩卷之十二

宣城梅清淵公著

嶽雲

瞿山人曰詩不盡爲嶽也而以嶽雲稱者何以其爲嶽而行也行以公車而嶽云者邇年以來進取之志已澹惟是探奇覽勝尚欲有藉於此以便其私循途吟詠興寄自長帙成而編次之凡其成於嶽者以嶽名卽其不盡成於嶽而因嶽以成者亦以嶽名從余志也

五言古

東嶽

作鎮紀崇望應星協神區乃惟群嶽宗盤礴臨東隅
峻哉何巍巍懸磴垂雲衢半壁俯全魯遠影繚勾吳
我來春夏交瑤艸方芬敷始臨一嶂斷忽出衆壑殊
次第開天閭海色萬里舒樹挂飛蜃長石踞扶桑孤
羨門如可招挾翼將同驅乃知靈境別曠覽良不虛
冥懷入神明喟焉思真符風雨若有埃瑞應豈遂辜
方期傳遙踪封禪奏成書

二

神宮鬱岌堯曾巖露晶熒遙望飛薨高驚指朝霞升
陟磴耀流目躋庭肅群心我欲問太乙陳詞叩幽沈
射牛典旣遐瘞玉跡亦湮俯仰眷春祺惟此臉翟尊
範金煥寶服色映河漢明幡幢何飄颻侍從羅群星
靈貺一以昭對越擬紫宸厥祀匪徒然錫胤蕃斯人
載協勾萌期言應郊禘辰靈雨潤遙澤惠風澹群氛
浩矣青陽歌長此徽簫笙

登泰山絕頂

靈巖盤鐵壁鬼斧鑿未了嵐巔捫辰星嶺半斷飛鳥
雲出祇疑沉日升難辨曉不到此峯頭安知天地小

雄縣投姚羨湖

嚮說荔子丹閩山思稅屨絳囊蘊瓊漿繁蔭詠嘉樹
美人况爲政臚言播芳譽婚嫁阻嶽遊徘徊空徒御
遂令武與夷招手不聞語探篋墨香沁貽自繁浦署
松風聆素絃奇峯儼盤踞實恐神物移凌風忽飛去
屢從人間見高吟屏群慮欲奪光凌亂船舷時一據
一聽宓堂琴夙興戒風馭瘦驥衝寒煙欲往且猶豫
自笑澹宕人胡爲苦形茹北風吹大荒荏苒及歲暮
粲此冰雪顏披襟露清曙

寄督學簡公夫子

峨嶠蠹奇岫岷江迅橫流夫子竝高溪羲娥麗十洲
藹藹曠世賢跨彼淵雲儔鐘呂崇元音戛擊森琳瑯
人倫有冠冕品題凜陽秋匪第王斐倫夷夔更孰優
璠璣紛群佩溲渤亦竝收麟鳳羅八紘桃李映道周
我生儕荆榛束薪空綢繆時過不見採敢云蘭谷幽
臙頽朱顏摧九天難寄愁豈有郢人斤擁腫將鏤鏤

南國被春陽王化賡薪想而我驅大野北風吹敝裘
永言懷明德山川阻且修庶幾宿昔心歲寒行見投
送家耦長幕猷州兼致張菊水明府

朝陽麗林薄淑氣日以深行子策疋馬翩然起長吟
歲芳重遙攬懷愜無近尋好禩僊潭花寄我瑤華音

其二

茂宰蔚佳聲青蓮擅奇彩抵掌無時人得爾乃願解
折節輸生平鳴琴對瀟灑此意衆所欽古道宛然在
雪阻山中懷李綏山將歸西蜀作此寄之

積雪盈天南三尺復三尺阻我萬山中欲返路無隙
撥灰卧一樓儼向冰壺宅何處尋酒徒所存但詩鬼
遙憶綏山人萬里將歸客江干凍不開雙輪應未策
唱和求好音湯空斷鴻翻我欲張素琴因風托相臆
西蜀天一隅繚繞寒峯積到家雪未消夢裏峨眉白

寄藥地老人

吾師本大儒劃然出世外風雅翻在茲高深實有賴
嚮遊匡廬巔層空落清籟今者劈祖關安隱於斯大
枯荆藉重榮飛泉忽新沛靈境通禪心山川亦羅拜

積懷三十年千里辜良會遙思豈不親追隨覺尤快
秋空倍寥廓極目無纖芥敬亭一片雲直接青原界

贈半山

禪悅眷逸迹墨妙懸幽心未若勝事兼乃盡寄托情
我懷青溪隅高人負冲襟世徑一以違超然歸淨行
鉛槧一以捐拂素傳煙林寂觀彼無礙逸興茲遂臻
理至慧已通靜者具有神維昔顧虎頭言愧夷齊清
欲知名言忘輞川得其真遺韻方在斯企及良未輕

二

往襜越匡廬採芝結雲服今載陟天都丹泉粲新浴
形神鬯蕭散日月釋羈束歸來及良辰問齡宛初旭
石幢集明輝衆香渺空綠伊余達觀侶招攜日相逐
迹異衷以慚年臻敬初篤敢祈竟思修津筏以相勗
永懷淵明約未敢許詢躅優遊畢前期心境兩云足

贈喝濤

喝公性寡偕遠挾愛弟遊出險澹不驚渺然成雙修
朝泛湘江涯暮陟匡廬陬宗風叅黃蘗遂向孤雲留
此地富靈迹飛錫承高流法會良不虛洵矣適所求

贈石濤

石公煙雲姿落筆起遙想既具龍眠奇復擅虎頭賞
頻歲事採芝幽探信長往得真在涉目入解乃遺像
一爲湯谷圖四座發寒響因知寂觀者所得畢蕭爽

贈淡公

淡公亦何癯脩然潔於石廬止城東隅而能掃塵迹
愛賢擬可公坐分遠持席謂喝石二公洗鉢忘外求臨流
相與息愧余櫻俗累脫此鮮雙翼宛津亦有梁相憐
隔咫尺

題石濤黃山圖

石公飄然至滿袖生氤氳手中抱一卷云是黃海雲
雲峯三十六峯峯插紫玉汗湯週未能攬之歸一掬
始信天地奇千載遲吾師筆落生面開力與五丁齊
覲面浮丘呼欲往愁崎嶇不能凌絕頂躊躇披此圖
七言古

題畫寄太史曹冠五新安

嵯峩拔地軒轅宮蕩摩日月撐青空三十六峯在天
上峯峯齊吐碧芙蓉容成浮丘日來往丹砂神護千

年長石梁一線赤霞封誰作主人寄幽賞邇來出守
重太史手抱瑤琴白雲裏直騎黃鶴凌天都羣巒俯
矚滄溟起况復囊筆披洪濛左招半公右石公文采
風流接靈境一掃蹊徑空羣踪褰裳欲往不可得芒
屨雙攜坐嘆息偶揮一尺青松枝遙對黃山兩相憶

贈蔣季虎

眼前篆籀何艸艸當湖吳興陳不作省遊楚黃胡老

我友雪耕同里吳不移懶更顛真蹟不與人間傳鍾子書

泉徐紫閣同里鍾予夔徐夏遺別我北遊兩寂寞西粵高人石

大師石濤濟偶然遊戲一為之何意特起蔣公子高騫

絕調美無比炯炯雙眸秋水明峻岫如對玉山行闕

石新硯揮鐵筆精靈實恐風雷集何程何雪漁程穆倩前後

爾何妨小技曾登大雅堂谿西陸髯同里陸在璞最相善

匣中光怪時時變一索十笏向我驕尤驚小楷如秋

毫莫怪雕蟲稱好手吾道於今誰不朽千年斯頽亾

未亾勸君好向名山藏今之櫟園周元亮先生畜名篆千章皆佳石

誰知已岷雲施愚山先生原字之外瞿山耳

石公從黃山來宛見貽佳畫荅以長歌

我陟岱宗三萬丈倒矚扶桑起泱泱手摘片雲歸江
東夢中縹緲碧霞上碧霞峯正青忽然接黃海石公
貽我圖恍惚不可解絕巘陰森四壁寒雲巒窅冥驚
滂滂玉屏五老爭拱立海門九龍紛乘驟疑僊嶠
合轉訝真宰通臥遊當嶽表乃在天都峯天都之奇
奇莫紀我公收拾奚囊裏擲將幻筆落人間遂使軒
轅曾不死我寫泰山雲雲向石濤飛公寫黃山雲雲
染瞿硎衣白雲滿眼無時盡雲根冉冉歸靈境何時
公向岱顛遊看余已發黃山興

送濮陽無著游楚兼呈龔公扶萬

男兒足下無千里胡爲偃仰終蓬壘名山大澤豈無
人要使風雲攬衣起君不見荆門郢樹春江長濮生
仗劔歌聲揚慷慨訪舊酬知己五年三度經瀟湘宛
陵使君安陸客愛士耽詩百不惜便許仙舟共載行
扣舷醜酒張雲席楚國先賢舊有聲登臨何處不逢
迎凌晨江上和歌發敬亭迴首幾峯青

五言律

太山回馬巖

空際轉縈紆籃輿坐有無仰憐飛鳥度危藉片雲扶
海市遙堪接天閭近可呼虛傳迴馬迹超忽此長驅

太山御障巖

御障何迢遞躊躇望古情石煙猶漢色松雨自秦聲
仙豈君王悞遊當汗漫輕雲端一回首何處問霓旌
同汪發若吳受之詹在周丁麟辰聖音張允仲
家爾止長安夜飲

客邸論心好家鄉聚首難不眠宵共飲既醉月同看
得失碁枰小乾坤酒竿寬直疑歸宛上莫道在長安

卽席呈御史張公澹明

同席四十餘人

珠履聚青驄筵開自上公塵清思曉露寒解識春風
酒壓葡萄紫燈傳菡萏紅何人揮彩筆新句碧紗籠
卽席呈施匪莪先生兼志別懷

撲面風沙滿來聽嘯閣吟老耽佳句法久見古人心
雪霽西山遠花開北闕深十年今又別去住一霑巾
苦水道上復寄魏蒼石汪蛟門喬石林家爾止
諸子長安

苦水河邊路愁人白晝昏泥深羸馬蹶風急老鴉翻

天苑閣冊後言 卷十二
易醉惟燕市難招是楚覓群公仍唱和可更憶王孫
題畫贈邑侯李如白

松林亦何好仙令見遙心自具雲霄色還調山水音
滄洲來鶴近丹壑護芝深共說青蓮後流徽方在今
寄張公菊水猷州兼訊李綏山

攜琴水西去水上鳴琴清黃鳥下廳事春風開邑城
近人心不競移俗政初平次第傳佳詠峨嵋片雪明

二

河陽潘岳興臨望亦悠哉不爲訟庭簡而能尊酒開

高吟千嶂曉上客一時才仙侶如堪問還應跨鯉來

尋菊

秋老興無賴沿村問菊花雨餘仍着屐溪阻更乘艤
種處泥從裏開時酒定賒終慚幽意切好景在山家
同張荀仲施次仲愚山唐輔臣劉峙三諸公遊
玉山慧照寺二首寺爲愚山重建

野興無時盡秋光爲客留過橋雲影定繞澗鳥聲稠
地寂聞孤磬山窮見一樓吾廬分咫尺不解此中幽

二

佛宇新香積僧房擴玉基
瓦浮松影碧衣墮竹陰緇
過眼滄洲夢相思白社期
使君讀書處重和昔年詩

玉山片帆亭和愚山韻

山重如孤舫亭懸似片帆
萬松濤共響千柳浪空函
環水情何極凌風思不凡
游人愧篷轉一繫在崇岳

送許電青歸秦州

遊人彈鋏返寒色滿昭亭
倚權杯還勸衝風酒易醒
江頭千樹赤海畔萬峯青
今夜霜前鴈相思共一聽
徐子陶蔡玉及潘朗公陳同若家季赤過天廷

閣留飲得傳字

同學驚余老羣公亦壯年
莫徒傷往日難與醉當前
潑墨箋齊拂題詩句共聯
古人遺法在珍重異時傳
晏集澄江亭同施愚山吳止庵劉根生汪發若
唐輔臣詹在周張萼公丁麟辰聖音家爾止卽
席用澄江二字

幾年郊外約江閣此重登
落木三秋盡寒波十月澄
親朋歡豈易出處聚何能
痛飲還相勸臨風醉不勝

幽刹當平野危欄更俯江帆歸看片片鴈落數雙飛
沉醉扶瑤瑟高呼倒玉缸誰憐歌舞散老衲一鐘撞

寄兪澗影丁山

八十丁山長孤吟寄一村眼還畱電影鬚盡散霜痕
處處晨炊寂家家夜柝喧歲寒難穩卧饑盜問猶存
訪倪觀湖隱居

才大唯君隱身勞與俗殊人誰識道士自喜號觀湖
飲犢晨歌遠占星夜影孤相尋隔溪水遙認卽交呼

二

幕府畱名重衙門遁跡深四橋通野水一徑遶疎林
棲鳥猜人語歸雲繫客心躊躇三十載出處兩浮沉

贈別徐子陶

故國胡爲客他鄉翻是家桐川今日夢水閣舊時花
開元水閣爲一醉仍三斗孤吟剩五車茫然各迴首
子陶舊園
萬慮總無涯

曉雪坐天延閣懷五弟城北

睡醒疑風息窓明報雪深登樓忽大叫拂眼却孤吟
萬瓦光旋逼千山氣總沈典衣思共醉只尺不能尋

次夜復雪與素五弟定九姪復用前韻

凍砌朝纔解寒簷夜復深推窗催燭照下幔把壺吟
鳥匝愁無定鐘撞聽漸沈曉山重似畫高閣好相尋
天延閣雪霽和定九原韻

江城原是畫雪後一登樓色暝千家合光連四野浮
直宜居絕島虛憶泛扁舟賦罷歌聲咽吾憑酒力酬
同孫靜庵蔡玉及澹公過金露庵訪喝濤石濤

二師

逸興偶然聚相攜問二濤艸枯郊路近水落石濤高

嘯自林中出禪於畫裏逃山樓閒半日真覺此生勞
龔公扶萬舟泊蕪江以書見寄作此奉答

聞倚江邊棹還馳苑上書望移三楚近別憶四年餘
龍蟄春應起梅寒臘未舒扁舟迎不及咫尺愧踟躕
家聖時招飲醉月樓看雪同蘭友存誠卓公中

子分賦

着眼雪光浮翻疑月滿樓千山無色辨一澗有聲留
索醉宐今日分題憶昔遊家園風景在舊築好相求
送李綏山暫返鍾離明年將歸西蜀

共念淮程遠還驚蜀道賒客歸仍作客家寄更思家
柳吐春前甲梅飄雪後花送君曾有夢先已到三巴
家爾彥漢瞻約石郎遊敬亭不果石郎有作戲

和一首

看山不待約好是偶然遊隨意一壺醉何殊十日留
高歌牽野興遠眺散春愁今夜瞿癡夢先登太白樓

題徐爾先懷護圖

爾先爲澗景令甥今讀書其家

聞君北堂下芳艸共霑巾罷社初成俗遺枝半不春
杖猶從父倚橋自入懷新慰藉都無賴因知百感真

月夜同曉原季赤子彥過宛津庵尋喝濤石濤

澹公納涼

城閉市聲斷橋分夜色偏風從高柳下月對大河懸
寒液生龍茗新香吐佛蓮葛衣侵露溼忽訝是秋天

答維揚王椒郤

蚤歲稱仙令名家信大賢清聲飛鳥見逸思擁笙傳
初服成遊好蒼生愈望懸新詩凌泰華一一起雲煙

二

寥寥市門下驚起重輕過把袂憐風雨微言盡薜蘿

思還軼鮑謝題許問羊何乍可畱相對清尊得興多
七言律

答俞澗影先生病中見寄

憐余病亦掩衡門負郭茅堂似野村隱几不牽天外
夢臨池空積雨中痕路疑蕭寂丁山遠水憶潺湲西
澗喧賴有父書樓上句人間歌詠竟無存

寄巢邑于子先明府

嘗經赤壁思才子遙望郎星映碧潯松偃卧牛巢
鶴鼉傳馮鼓佐鳴琴山城水國風光好匏繫蓬飛

息深辜負紫霄宮殿月滄波萬頃未同吟

覺華庵香燈詩

花宮流影亦何長縹緲燈懸古石堂映入孤雲真不
染然來寶葉共飛香諸天歷歷聞前夜清梵泠泠見
上方蚤晚相尋大千外還從惠遠借餘光

孫靜庵重遊宛陵偶有意外之失作此慰之

銀髯碧眼氣如虹老去風流舊日同失路何當童僕
散尋盟無奈故人窮篋中檢點空雙鯉月下沉吟見
斷鴻斗酒且拚今夜醉莫教彈鋏歎飄蓬

贈家澹如

澹如舊居蒲子宦歸移居伏村著有官窮艸

蒲里先生寄伏村官窮艸就更何存歸來逸興思彭澤老去風流見鹿門庭內無人常對佛懷中有子却如孫追言七十年前事醉後還呼酒一尊

五言排律

奉贈兵憲呂夢軒先生

令望趨朝起清標映越長琴堂留挹響蘭省入飛香濟世原儒術陳詩自雅章分符知練達列郡倚恩光借箸平戎日觀兵伏莽鄉僉云宐覆鞠詔使察循良

政起更張後威從坐鎮揚昭亭春石霽白嶽曉林芳問俗披雲渡移尊緩帶行風流稱叔子綏靖見張綱折節從微服譚經啓大方紛紛歸藥籠藹藹陟公堂蓬室邀霑霈幽襟藉激昂識荆懸寤寐御李慰趨蹌但有遷喬賦還升介壽觴新聲動南國舊疏發明光歸闕期堪數匡君分自當高宐鳳池赫近卽栢臺霜作憲推文武成猷重廟廊由來論世業涓水有遺璜

七言絕

羊流遇雨見汪蛟門中翰壁間遇雨詩悵然有

感

處處蛟門旅店詩
祗今風雨重相思
挑鐙前後羊流
夢回首天涯各一時

題畫送陳壻歸楚黃

風引樓船簫鼓聲
雲帆不繫石頭城
楚山楚水原無
盡可柰江南送別情

答山城和尚

弁山和尚老還遊
雲共棲遲水共流
笑指山中供知
浴偶然托鉢到宣州

題梅

瑤臺姑射與誰尋
擲筆呼尊且自吟
爲問春風何日
到此時惟有歲寒心

卷之七